

1516ին Սէլիմի բանակները շուտով յաղթահարեցին Մէմլուքները և Վրացիք ալ Երուսաղէմի մէջ քաղաքականապէս կորուսին իրենց ազդեցութիւնը: Վրացի կղերին և ժողովրդեան անկեալ վիճակը ազգեց անոնց պատկանեալ հարստութիւններուն վրայ: Վրաստան դադրեցուց իր նպաստները, ուխտաւորները պակսեցան և վանքերը մնացին մեծամեծ պարտքերու տակ, և չկրցին մատակարարել իրենց եկեղեցիները. 1642ին վրացի վանականները Գողգոթայէն քաշուեցան ու յանձնելով զայն կրօնակից Յոյներուն, ժամանակ մը մնացին Խաչաւանքին մէջ. հոն ալ չկրցին տեղաւորուիլ և 1685ին բոլորովին լքեցին Երուսաղէմը, իրենց բերդանման հաստատութիւնները կամ ծախելով և կամ Յոյներուն յանձնելով. և ահա անոնք Սերպերու և Թրակացիներու նման չկարողացան պաշտպանել իրենց կրօնական հաստատութիւնները. ազգային յոխորտանքին վախճանն էր այս: Մարտիրոս պատրիարք երբ հակառակ իր ջանքերուն և տաժանակիր ճամբորդութեանց՝ չկրցաւ տիրանալ Գողգոթային, Եզրպոսի սուլթանէն ծախու կ'առնու Ս. Յարութեան տաճարին մէջ զբանուած Թագաւորաց Աղօթատեղի ըսուած Վերնատունը որ սանդուխով մը կապուած էր վարի յարկերուն հետ. և եկեղեցիի վերածելով զայն կ'անուանէ Երկրորդ Գողգորս: Նոյն Վերնատունը ունէր երեք կամար և երկու մեծ լուսամուտներ, որ կը նային Ս. Յարութեան դրան վրայ. Գողգոթայի փոխարէն Վերնատան եկեղեցին արքունի հրամանաւ և պետական որոշումով և վաւերութեամբ սեպհականութիւն եղաւ Հայոց Միաբանութեան, որ մինչև այսօր իր յատուկ առօրեայ պաշտամունքներուն և հանդիսական արարողութեանց համար կը գործածէ զայն: Նոյն Վերնատան եկեղեցիին մէջ նորոգութիւն ըրած է նախ Գրիգոր Պրոնտէր պատրիարքը, որ Լատիններէն երեք կամար ևս առած և փոխարէն տուած է Պարսեզ ըսուած տեղւոյն վրայի կանթեզն ու այն խուլը որ կը գտնուէր Լատիններուն երգեհոնին մօտ. և Պրոնտէր այս կերպով կ'ընդարձակէ նոյն եկեղեցին: Ապա Յովհաննէս վրդ. Երուսաղէմացիին (յիտոյ եպոս.) օգնութեամբ Կոլտաին և Շղթայակիրին, որ տակաւին Պոլիս կը գտնուէր, նոյն տեղւոյն մէջ աւագ սեղանին դիմացը գտնուած և առաստաղէն մինչև յատակը խարսխած քարէ քառակուսի ահագին սիւնը՝ որ կը զոցէր սեղանը, մեծ աշխատութիւններով մէջտեղէն վերցնել